

ლაგოდების მუნიციპალიტეტის მერიის ინფრასტრუქტურის, სივრცითი მოწყობის, მშენებლობის, არქიტექტურისა და ძეგლთა დაცვის სამსახურის 2023 წლის ცხრა თვის ანგარიში

ინფრასტრუქტურის, სივრცითი მოწყობის, მშენებლობის, არქიტექტურისა და ძეგლთა დაცვის სამსახურს 2023 წლის იანვრიდან სულ დაეწერა 10596 განცხადება და კორექსონდენცია, აქედან შესრულებულია 10268 და განხილვის პროცესშია 328 განცხადება.

სივრცითი მოწყობის, მშენებლობის, არქიტექტურისა და ძეგლთა დაცვის განყოფილებას დაეწერა 7667 განცხადება და კორექსონდენცია, აქედან შესრულებულია 7619 და განხილვის პროცესშია 48 განცხადება. განცხადებები, წერილები და მომართვები შეეხებოდა მშენებლობის, დემონტაჟის ნებართვების გაცემას, ხაზობრივი ნაგებობების მშენებლობაზე შეთანხმებას, მიწების გაყოფაზე და გაერთიანებაზე შეთანხმებას, შუამდგომლობას საჯარო რეესტრთან მიწის კატეგორიის ცვლილებასთან დაკავშირებით, შუამდგომლობას საავტომობილო გზების დეპარტამენტთან მშენებლობის განხორციელებასთან დაკავშირებით და სხვა.


ინფრასტრუქტურის განყოფილებას დაეწერა 2929 განცხადება და კორექსონდენცია, აქედან შესრულებულია 2649 და განხილვის პროცესშია 280 განცხადება.

განცხადებები, წერილები და მომართვები შემოსულია ადმინისტრაციულ ერთეულებში მერის წარმომადგენლებისაგან, ორგანიზაცია დაწესებულებებიდან და მოქალაქეებიდან, რომელიც შეეხება საცხოვრებელ სახლებზე დახმარებას, ხანძრის შედეგად გამოწვეული ზიანის აღსადგენად დახმარებას, სანიაღვრე არხების გაწმენდას, გარე განათების დამონტაჟებას, მილხიდების მოწყობას, სკვერის მოწყობას, ქუჩებისთვის სახელის მინიჭებას, ტერიტორიების გაწმენდას ეკალ-ბარდისაგან და სამშენებლო და საყოფაცხოვრებო ნარჩენებისაგან, მდინარეების კალაპოტების გაწმენდა-გასწორებაზონებას, სასარგებლო წიაღისეულის მოპოვების ლიცენზიის გაცემას და სხვა. აღნიშნული განცხადებები და კორექსონდენციები განხილულია და გაცემული აქვს შესაბამისი პასუხები.

განყოფილებაში შემოსულ განცხადებებზე და მომართვებზე, რომელიც შეეხება სხვადასხვა სამუშაოების შესასრულებლად ტექნიკის გამოყოფას, განყოფილების სპეციალისტების მიერ ადგილზე მოხდა საკითხის შესწავლა, შედგენილია შესაბამისი დეფექტური აქტები და შემდგომი რეაგირებისათვის გადაგზავნილია ა(ა)იპ „ლაგოდების სერვის ცენტრში“.

განყოფილების მიერ აქტიურად მიმდინარეობდა და ამჟამადაც მიმდინარეობს მუშაობა ადგილობრივი ბიუჯეტით გათვალისწინებულ სამუშაოებზე, სოფლის

მხარდაჭერის პროგრამის ფარგლებში განსახორციელებელ პროექტებზე, რეგიონული განვითარების ფონდის თანადაფინანსებით განსახორციელებელ პროექტებზე და ასევე დონორი ორგანიზაციების თანადაფინანსებით განსახორციელებელ პროექტებზე. განყოფილების სპეციალისტები დადიან მუნიციპალიტეტის ადმინისტრაციულ ერთეულებში და განსახორციელებელ პროექტებზე ადგენენ შესაბამის დეფექტურ აქტებს. სოფლის მხარდაჭერის პროგრამის ფარგლებში მიმდინარეობს 37 პროექტი, ეწყობა სკვერები, სანიაღვრე არხები, სასმელი წყლის მაგისტრალი, ფიტნეს ტრენაჟორები, გარე განათება, რეაბილიტაცია უკეთდება სასაფლაოს ღობეებს, იხრეშება შიდა სასოფლო გზები (საერთო თანხა 2051492 ლარი). რეგიონალური განვითარების ფონდის დაფინანსებით დასრულებულია ქ. ლაგოდეხში დავით აღმაშენებლის ქუჩის, ვაჟა-ფშაველას ქუჩის რეაბილიტაცია, სოფელ ჭიაურის მე-3 ქუჩის, სოფელ ჭიაურის პირველი ქუჩის და სოფელ ყარაჯალაში შიდა სასოფლო გზის სარეაბილიტაციო სამუშაოები და სოფელ შერთებაში შიდა სასოფლო გზის რეაბილიტაციის სამუშაოები (საერთო თანხა 6773075 ლარი). ადგილობრივი ბიუჯეტის დაფინანსებით დასრულებულია 25 პროექტი და მიმდინარეობს 16 პროექტი, იგება ასფალტო-ბეტონის საფარი, ეწყობა სანიაღვრე არხები, სასმელი წყლის მაგისტრალები, სკვერები, სპორტული ინფრასტრუქტურა, გარე განათება, მოსაცდელი, მოეწყო ლითონის კონსტრუქცია სახელმწიფო დროშისთვის (საერთო თანხა 7013137 ლარი). მუნიციპალური განვითარების ფონდის დაფინანსებით მიმდინარეობს: სოფელ განჯალაში, სოფელ არეშფერანში, სოფელ ბაღდათში, სოფელ გვიმრიანში, სოფელ მსხალგორში და სოფელ ჩადუნთანში თანამედროვე სტანდარტების შესაბამისი საბავშვო ბაღების მშენებლობა (პროექტის ღირებულება 9225876 ლარი). მთავრობის განკარგულების საფუძველზე სოფელ პატარა გორში მეორე ქუჩაზე და სოფელ საქობოში პირველ ქუჩაზე მიმდინარეობს სანიაღვრე არხების რეაბილიტაცია, პროექტის ღირებულება 281222 ლარი.

ინფრასტრუქტურის, სივრცითი მოწყობის, მშენებლობის, არქიტექტურისა და ძეგლთა დაცვის სამსახურის უფროსი:  გიორგი ჩალათაშვილი